

Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

Genet, François

Parisiis, 1703

Caput VIII. De speciebus Sacramentalibus.

urn:nbn:de:hbz:466:1-40834

esse dicimus, ut magnus, aut parvus est, char. Sacram.
quod ad quantitatem pertinet, sed ut substan- num. 43.
tia est. Substantia enim Panis in Christi sub-
stantiam, non in magnitudinem, aut quan-
titatem, convertitur. Nemo verò dubitat sub-
stantiam & què in parvo, atque in magno spa-
tio contineri: nam & aëris substantia, tota-
que ejus natura sic in parva ut in magna
aëris parte, itemque tota aqua natura non
minus in urnula, quam in flumine insit, ne-
cessè est. Cùm igitur Panis substantia Corpus
Domini succedat: fateri oportet ad eundem
planè modum in Sacramento esse, quo modo
Panis substantia ante consecrationem. Ez verò
utrum sub magna, an sub parva quantitate
esset, nihil ad rem omnino pertinebat.

Unde ut ait sanctus Augustinus relatus in
Canone, *Singuli accipiunt Christum Domi-* Can. Singuli
num, & in singulis portionibus totus est: nec De Consecr.
per singulos minuitur, sed integrum se præbet dist. 2,
in singulis.

C A P U T VIII.

De speciebus Sacramentalibus.

Quæst. 1. **Q**uid sunt species Sacramen-
tales?

Resp. Nihil aliud per species Sacramentales
significatur, quam accidentia Panis, & vini,
quæ remanent post consecrationem, cuiusmo-
di sunt figura, color, odor, sapor, & similia;
& hoc est quod Theologi, post Magistrum
sententiarum, appellant Sacramentum tan-
tum.

Quæst. 2. Quid est illud quod vocant Sa-
cramentum tantum; Sacramentum, & rema

166 TRACTATUS IV.

Sacramenti, & tandem rem, & non Sacra-
mentum?

Magister sen- Resp. Sic clarè à Magistro sententiatum ex-
plicatur cùm ait, Sunt ergo hic tria distin-
tent. in 4. guenda; unum, quod tantum est Sacra-
dist. 8. *mentum: alterum quod est Sacramentum & res:*
& tertium, quod est res, & non Sacra-
mentum: Sacramentum & non res est species visi-
bilis Panis & vini; Sacramentum & res, Caro
Christi propria & sanguis; Res & non Sacra-
mentum, mystica ejus Caro, vel potius ipsa
gratia quæ confertur.

Id igitur quod est in Eucharistia Sacra-
mentum tantum, est species Panis, & species vini,
quia definitio Sacramenti quæ est, ut sit invi-
sibilis gratiæ visibilis forma, optimè competit
ipsis speciebus Panis, & vini: sunt enim visi-
bilis forma, invisibilis gratiæ; pùtā tam Cor-
poris, & sanguinis Christi, quām gratiæ Sa-
cramentalis, quia Corpus mysticum efficitur
unum ex multis membris, sicuti Panis ex mul-
tis granis. Res tantum, est gratia, quæ su-
mentibus ipsam Eucharistiam confertur, est
enim res significata, & non significans. Cor-
pus & sanguis sunt res, & Sacramentum; res
scilicet, quia significantur per species, & per
consecrationem perficiuntur; Sacramentum
autem, quia Corpus Christi quatenus sub eis-
dem speciebus velatur Corpus mysticum re-
præsentat gratiam, quæ in alimentum Corpo-
ris mystici confertur.

Quæst. 3. Accidentia Panis, & vini subsis-
tunt-ne absque subjecto in Eucharistia?

Resp. Constat ex authoritatibus inductis ad
ostendendum substantiam Panis, & vini non
amplius in Sacramento remanere post conse-
crationem, accidentia Panis, & vini ex seipsis
subsistere, & absque subjecto contra naturæ

De Sacram. Euchar. Cap. VIII. 167

ordinem, quia nequeunt sustentari à Corpo-
re & sanguine Jesu-Christi. Neque etiam, ait D. Tho. 3. p. 5.
Divus Thomas, est possibile, quod Corpus q. 77. art. 1.
Christi gloriosum & impassibile existens alte-
retur ad suscipiendas hujusmodi qualitates.
Et ideo relinquitur, quod accidentia in hoc
Sacramento manent sine subjecto, quod qui-
dem virtute divina fieri potest. Cum enim ef-
fectus magis dependeat à causa prima, quam
à causa secunda; Deus qui est prima causa
substancialis & accidentis, per suam infinitam
virtutem conservare potest in esse accidens, sub-
tracta substanciali, per quam conservabitur in
esse, sicut per propriam causam; sicut etiam
alios effectus naturalium causarum potest pro-
ducere sine naturalibus causis: sicut huma-
num Corpus formavit in utero Virginis sine
virili semine.

Cujus rationem affert sanctus Basilus dum
ait: Cum enim Deus possit plus facere, quam s. Basilus in
nostrer intellectus intelligere, & intellectus Hexameron,
intelligat accidens prater subjectum: ergo
Deus potest hoc facere, quod accidens sit sine
subjecto.

Quæst. 4. Potest-ne convenientia quædam
afferri, cur accidentia manere debeant sine
subjecto in Sacramento Eucharistiae?

Resp. Sanctus Thomas hanc egregiam ad-
ducit rationem, dum ait: Accidentia sine S. Th. Opus-
subjecto in Sacramento existunt, ut fides lo-
cupo 75.
cum habeat, dum visibile invisibiliter sumi-
tur sub aliena specie occultatum & sensus à
deceptione immunes reddantur, qui de acci-
dentialibus judicant sibi notis: Et ita per cogni-
tionem horum accidentium fidem nostram ex-
citamus, qua docemur Corpus Christi Domini
verè sub his accidentibus contineri.

Quæst. 5. Quandonam Corpus Christi Do-

mini desinit esse sub speciebus Sacramentalibus?

D. Tho. 3. p. Resp. Sic respondet Divus Thomas: Cùm q. 77. art. 4. Corpus Christi & sanguis succedant in hoc in corp. Sacramento substantia Panis & vini; si fiat talis immutatio ex parte accidentium quæ non sufficeret ad corruptionem Panis & vini; propter talem mutationem non desinit Corpus & sanguis Christi esse sub hoc Sacramento, sive fiat immutatio ex parte qualitatis, putè cum modicum immutatur color aut sapor Panis vel vini; sive ex parte quantitatis, sicut cum dividitur Panis aut vinum in tales partes, quod adhuc in eis possit salvare natura Panis aut vini. Si vero fiat tanta immutatio, quod fuisset corrupta substantia Panis & vini; non remanent Corpus & sanguis Christi sub hoc Sacramento: Et hoc sive ex parte qualitatum, sicut cum ita immutatur color & sapor, & alia qualitates Panis & vini, quod nullo modo possit compati naturam Panis aut vini: sive etiam ex parte quantitatis, putè si pulverisetur Panis, vel vinum in tam minutis partes dividatur, ut jam non remaneant species Panis vel vini.

Quæst. 6. Species Sacramentales possuntne corrumpi, & inservire generationi alicujus substantiarum?

Resp. Certum est, atque experientia comprobatum, multa sèpè ex Eucharistia generari; patet enim ad sensum ex speciebus nimio humore corruptis, vel morâ diuturniore servatis, vermes generari, easque combustas in cinerem redigi, efficique acetum ex vino. Quod quomodo fieri possit, ostendit Divus Thomas his verbis: Species Sacramentales retinent idem esse quod prius habebant substantia Panis & vini existente: Et ideo sicut esse

D. Tho. 3. p. q. 77. art. 3. in corp,

korum

De Sacram. Euchar. Cap. VIII. 169

h̄orum accidentium corrupti poterat, substantia Panis & vini existente: ita etiam potest corrupti, eā substantiā abeunte: Quoniam Corpus Christi Domini huic substantiæ succēdens, id omne præstat, quod præstaret talis substantia si permansisset.

Major est difficultas concipiendi quomodo ex speciebus Sacramentalibus, quæ sunt in hoc Sacramento sine substantia, generari possit alia substantia, quod etiam explicat sanctus Thomas loco citato. *Videtur dicendum, inquit, quod in ipsa consecratione miraculosè in corp. ibi datur quantitati dimensivæ Panis & vini, dem. quod sit primum subjectum subsequentium formarum: hoc autem est proprium materiae. Et ideo ex consequenti datur predicta quantitatii dimensivæ omne illud quod ad materiam pertinet: & ideo quidquid posset generari ex materia Panis vel vini, si adesset, totum potest generari ex predicta quantitate dimensivæ Panis vel vini, non quidem novo miraculo, sed ex vi miraculi prius facti.*

Sensus ergo Divi Thomæ est, quod quia per consecrationem datum est quantitati supplerre vices materiae primæ, quantum ad omnia, quæ in instanti generationis antecedunt, ita ut formas accidentales, & omnes dispositiones ad novam præparantes recipere queat: ideo Deus, introducta ultima dispositione, materiam primam producit in ipso instanti generationis novæ formæ, quæ tamen ex sinu materiae, vi agentium naturalium dicitur educi, quatendis vi ultimæ dispositionis ab agente naturali inductæ, materia à Deo producta talēm, & non aliam recipit formam; nec est necesse, quod materia ad recipiendas novæ formæ dispositiones, tempore præcesserit novam formæ introductionem, modo in sui vices.

Tomus III.

H

170 TRACTATUS IV.

gerente quantitate antecesserit: cùm enim de æquipollentibus idem sit judicium, satis est, ut quantitas officia materiæ supplens, toto tempore instans generationis antecedente, sub novæ formæ privatione præcesserit.

Porro Deus materiam in ejusmodi generationibus connaturaliter substituit, utpotè qui ad exigentiam causarum naturalium eam subministrat; statim enim atque dispositiones ad novam formam positæ sunt, exigunt causæ naturales eam formam introduci, ad quam dispositiones per se sunt institutæ: forma verò cùm introduci non possit nisi in materiam, nec materia vi agentium naturalium produci posse; idcirco ad generalem totius Orbis provisorem attinet, causarum secundarum exigentiam supplere, ac convenientem proinde materiam mox educendæ formæ supponere; sicut animam rationalem ad exigentiam organicæ materiæ creat.

Hinc sequitur species Sacramentales posse nutrire, quoniam quidem cibis non aliter nutrit, quam per sui conversionem in substantiam ejus qui alitur; proindeque cùm species Sacramentales, ut diximus, converti possint in substantiam, quæ generatur ex his speciebus, possunt etiam converti in substantiam Corporis humani.

